

豫章叢書

第二十六冊

張

華

楚

書

卷之四

范德機詩集卷五

元 范梈 德機

釣臺歌

吾慕嚴子陵隱居富春山故人乘六龍身隨魚鳥閒
羊裘大澤雪在須忽來導從入皇都掉頭不受諫大
夫高風逸節何代無慎勿滄浪輕釣徒

首陽山圖

山漠漠兮谷逶迤中有二士形容飢問之不禽告者
誰在昔父死人致國弟讓兄辭俱去之一朝隱居北
海北去亂就治歸人師遇世偶有戰伐事叩馬垂血

陳愧辭君王知名臣義直直不退聽將疑爲見兵不
果事乃定恥食其粟隱於斯終然飢死茲山下到今
稱誦猶當時白旄黃鉞不可追功業甚盛德甚衰救
民水火事誠危三綱一失誰扶持是以聖人表其怨
謂彼仁者良由茲首陽之墳高幾尺自古富貴埋沒
野草空累累我欲酌北斗薦以黃金卮展圖涕漣漉
此意畫者宜不知

贈余相師

幽人本自居丘壑誤上青天養黃鶴長遨四海不知
歸幾見珠玄雜花落厭原山下遇余君語余世事徒

紛紛書眼猶如牖中日宦情正似嶺頭雲

張明德經歷松石圖

張君盡于天下奇往者京城曾見之濟南參議最博
雅每爲送酒題長詩深山大澤生喬松緘封寄我章
江湄問君安得致此本吏檳政類麒麟羈又費臨川
百日假不爾能事何能施澗阿無人白石爛飛泉但
見下漣漪老夫對此神慘惻況近歲寒霜霰垂高齋
展坑意未已便欲共赴青雲期搔首絃歌白駒操悠
悠四海將誰知

二韓詩爲韓吏部作

太行青雲城上頭。城下亂水亦東流。誰家烟中楊柳樹。
鳴鳥一似黃栗留。是時東風蕩瀛州。瀛州冠帶集英游。
有客抱琴來海岳。罷彈爲我誇韓侯。韓侯家慶邢晉始。
異代流風尙能耳。九十丈人住丹丘。猶子類翁翁。類子一門兩世百八十。
更問千年今有幾。余係生子子。生孫錦衣爛。照晴空裏我向瑤臺聽洞簫。
靈風浩蕩迷宮徵。桂枝翠弄月光寒。一時秋滿夫容水。神仙中人無俗賈。
說似青天天爲喜。往年初識吏部君。吏部有子才絕羣。與我同僚內相府。
給事朝夕均勞動。是則知君莫如我。作歌盛德況所欣。皇都二月

花紛紛美酒斗值錢萬文把酒欲醉春日醺爲君却
日呼流雲此歌此事今罕聞

懷舊游贈別杜君還益津

往與羽人曾結滄洲期醉騎鯨魚躍天池北走幽都
摩碣石所歷至今皆見之澤國波光秋瀲灩津亭月
色曉參差山夾疎鐘和雪度樓栖斷角引霜吹蘭園
坐送流鶯亂草觀行聞住鶴悲別來幾度斜陽裏平
曲風烟勞夢思安得狂心化爲浪去隨流水到天涯
偶向烟城逢杜子爲我立馬歡相持自言家在碣石
西易水清淪漪易州風帆日日至佳人何事重來遲

重來易遲去易遠便欲從君川路返
歲年冉冉思無限詩成雁過雲濤晚

用韻酬繡茂才

弱冠從遊狎山水三十餘年屈伸指南隨
粵鳥北燕鴻祇今甚矣吾衰矣學問無成
不了事況望清名紹書史得歸重賦茅屋
春青眼相看賴吾子丹鉛曾近更生閣但
惜案頭螢亂死世情浩蕩何足云高人不
厭席爲門百尺山前秋屢過九州外事憶
重論昔傷萍梗流滄海慙喜梅花侑翠尊
制古直須追左契聲英必合紹前聞昨朝
示我清江作洶如壘壁瞻風雲

媿我徒當大教法此陳何止摧千軍流離天驥志遠
道悲鳴往往思其羣

留諸生

凌晨風雨踰山樹把書對酒聽鳴扈牡丹初茁柳新
芽復逐春光向何處元舅曾聞白水誓婦翁更審清
冰譽二家姻好信無匹四海交游知有數我於卿門
誼不薄況此阻陬泥中路元宵只在數日間天氣未
佳須少住

凌雲篇

往與凌雲山人披虎豹謁太清是時東風滿瑤京綠

楊三月聽流鶯君隨挂席湘江行予亦騎馬趨承明
手把宮袍厭縛身却憶南溟有縱鱗四年辭海岳一
舉上星辰逢君却向凌雲下心上經綸甚瀟灑半夜
清猿四合啼長松古月照回溪桃花原上路一去意
都迷我本凌雲峰畔客何日相從卜其宅早服還丹
生羽翼共脫朝衣挂青壁

舟下龍舒望九華有懷秋浦守集賢周使君

長淮初四月照見九華山不見秋浦人使我心怡然
昨者蓬萊闕下相凋旋白雲冉冉招歸船余亦泛海
追羣仙未知成道何因緣可憐柁頭月咫尺成胡越

東
安得馮夷半席風疾似南飛寄書雁從君今夜過江

小孤行

小孤有石如虎蹲西望屹作長江門洪濤萬古就繩
墨雖有勁勢不敢奔大哉禹功悉經理何必有志今
能存大者爲綱小者紀不徒百谷知王尊靈祠正在
石壁下我來適值秋風昏明朝東行弔碣石更與尋
河間九源

張吏部宅山水壁歌

高堂秉燭見翠微岩厓突兀當兩扉庭前繫馬霧露

集老木倒挂藤蘿衣問誰妙手能至此筆墨簡古世
所稀天宮主人爲我言翰林供奉精天機憶我尋山
客南粵地暖四時皆芳菲眼中得此了不易便覺宇
宙場清暉旅人獨行歌采薇滄洲茅屋何年歸安得
峰頭置雙鶴相逐蓬萊頂上飛

贈李山人

平生慕事華蓋君四海孤蹤隨白雲峨眉山人住盱
水駐馬重逢帝城裏別來相問意悠悠北走南飛又
幾秋昔向貴溪尋講鼓又從薊郡攬征裘展圖示我
青山屋山在盱城小江曲東風日日蕩人歸明發行

歌載黃鵠憶昔上帝敕游華子岡中道勒回俗駕賓
炎方是行倘或如私願華子岡頭定相見麻姑應解
索題詩碧桃花發報人知

已未行

二年六月已未朔京城五更大地作臥者顛衣起若
吹起者環庭眩相愕室宇無波上下搖乾坤有位東
西却自我南來覩再震依微初震不今若昨朝展席
坐堂上耽翫圖書坐無覺堂下羣兒又驚報方饌饗
人喪杯勺節者倉皇下牀榻門屋鏗鏘振鈴鐸祇今
猶自騰妖譌旦暮殊言共邗郭大家夜臥張穹廬小

家露坐瞻星落焉知怪變不可屢安巢僅有南飛鵲
昔聞上帝憂瀛洲親敕巨鰲十二頭特爲羣臣舉手
戴萬古不與水東流豈其九州亦類此此事或誕或
有由上帝甚神吾甚愚戴者勿動勿優游

次韻賦吳尊師漱芳亭白紅梅花 二首

梅仙之宮在何許五尺青天隔風雨冰雪肌膚綽約
人鐵石心腸軟媚語行藏一粒粟中寄品格百花頭
上數所以商廷和鼎功大獲登之六代舞烏呼安得
東皇錫白社胙以金陵爲爾土

惟梅本是羣仙侶別有芳姿照微雨人嘗誤作杏花

看我亦戲作蓮花語卽色非空還是色遽數不終須
悉數偷服丹砂忤玉唇頰顏謫向春風舞鳥呼安得
東皇錫赤社胙以朱陵爲爾土

贈陳兄

侍御諸孫美絕儔辭我遠行遊桂州道路炎暑正足
畏山水清涼須暫留昔我效官滄海上歸棹春前拂
青嶂極知茲郡烟景樂欲往終然背晴浪送君此去
倍傷悲夢寐梅花雪片詩故舊相逢憑問訊何時重
與覓安期

奉酬段御史登岳陽樓之作時分理盜賊至海

康

誰能手鋪湘水平刻却君山看洞庭昔人已騎黃鶴
去樓前亂芷春蘭青豈知綉衣後千載遠遠鳳闕來
江城凭高弔古落日紫領客置酒開雲屏酒酣點筆
賦新句薄海傳誦令人驚憶我初游白玉京與君聯
步趨承明手宣皇猷敷帝績濟濟學士如登瀛一行
竟墮萬里外回首滄茫思濯纓守官區區事無補惟
有白髮欺人生咎何水外萬竹底四時鳥語烟邊鳴
忽忽此地復相見恍如幽夢求仙靈中宵秣馬不遑
暇君又北鄉予南征如茲後會復何日念之使我雙

涕零宮中聖人總四溟所過海岳須澄清鐵冠峨峨
望天下青睞快展皆修程由來豺虎伏仁獸況有鷹
隼當秋橫明夜相思隔雲島月落高臺聞笛聲

贈富楊顯民四方采詩

今人論學古人詩事皆天者非人爲文章由來貴爾
雅但顧有法何妨奇六經固已殊緩急樂子飛騰自
茲入國賈甯懷大寶疑宮工肯效微綃泣志至言從
意自足何必王風繫流俗觀變時時到黍離宗周思
近西郊哭十道使者明如水閭閻盡在冰壺裏觀風
本是使之職太息幽人爲之起昨雨綠苔生晚閣黃